



Rabu, 31 Juli 2024
Ogen: Jesaya 55:1-2



Engkeriken Gaji



W Gundari e mesunah ndatken sen...tapi labo lit kalak ersen. Engkai maka bage, enggo melala kal tawaren banci mereken sen, umpamana arah koprasi, CU, Bumdes ras sidebanna. Melala kal kalak la biar-biaren minjam, nina alu tujun modal usaha. Tapi erkiteken salah pergunakan sen ndai piah dungna enggo seh latihna, gali lobang tutup lobang. Lobang ndai labo reh tambusina tapi reh bagesna. E maka enda ia dosa lit maka latih" nina sekalak nande nuri-nuri man temanna.

Memang payo adi siperdiateken genduari enggo melala kal nge si banci nampati alu mereken modal awal. Bas sie perlu kal kepentaren guna ngelola kai si lit e segelah banci reh erkembangna, tapi asal salah makekenca banci erbahanca bene. La sitik kasus si terjadi minjam guna modal, tapi kenca cair pinjaman e minter ku tiga nukur uis, pangan ras sidebanna. Wari-wari mentas me, seh paksana utang si ibahan ndai igalari ka me. Kai ndia ibahan penggalari utang si ndube? Lit kata bijak si ngatakan "*jangan pernah membelanjakan uangmu sebelum kamu mendapatkannya*". Kata enda mpersingeti kita ula min sempat matanta penggurunta, sen si langa bo sekerajangenta e ula sempat ibelanjaken. Inget e sen kai, pergunakanlah bagi arusna.

Nabi Jesaya mpersingeti bangsa Israel guna mpergunakan duit bagi arusna. Si pemenana kal si la banci lang e me guna kebutuhen pokok (pangan si erbahanca besar). Guna si enda i perluken kepentaren dengen engkuasai sura-sura daging. Adi mata penggurunta banci kap kita bene, tapi oratna si eteh kai si jadi keperlun si terpentingna e lah lebe isikapken maka sidebanna. Selaku ndehara si jadi bendahara i tengah-tengah jabu, tole iajari segelah pentar kita makeken kai si lit e, sabap wari-wari enda labo gelgel. Pebias-bias kai si lit, pakeken asa cukupna, labo engkeriken kai si enggo lit, apai ka si langa lit pe enggo leben ikeriken.

☞ "*Pakeken si lit bagi arusna*"

